





詩者性情之事也書曰詩言志蓋有不得已於中者而發而為言詩也有思哭也有懷使人取其詩而讀之而其人之真性情真面目有呼之欲出者焉而後謂之真詩所以三百篇中婦人孺子偶然情至之詞可與雅頌並陳固不在乎鉤棘為奇僻澁為奧而亦非可貪常嗜瑣相率而為腐木濕鼓之音者也自摹擬剽竊之說盛而詩益衰視益貴之目者大而不足畏畫西子之眉者美而不可悅何則君形者不存焉則雖叔敖衣冠中郎笑顏究竟形似非其神似卒未聞優益之真可以相楚而





許席貴者以曠代軼才也間嘗侍于長者側間緒  
論有明中葉詩道凌彞為王李之學者如貴胄子  
弟倚恃門閥傲忽自大往：不會人情而鍾譚如  
市肆小人便辟流易雖復薄有口給異乎雅流互  
相詆譏出奴入主究之弇山詩而非真竟陵真而  
非詩其無當于風雅則亦一而已矣吾鄉桓臺司  
寇德水司農兩公出各以海涵地負之才上溯風  
騷下逮元明其于百家之言無所不兼而實無所  
不化然後風雅之學粹然一歸于正主盟壇坫者  
五十餘年此如斗杓既建人知冬春海若既深萬

派斯趨固非一人一家之私言也吾友田子在田  
為司農公文孫總角稱詩先公以小山薑字之承  
藉家學淵源深厚其為言也優柔平中曲則爾雅  
余嘗與張子殿傳論次其集殿傳問君自謂視在  
田何如余曰周顛比臣為有國士門風殿傳笑而  
頷之余自小時好聯絕之學甲申乙酉間嘗贄其  
文于漁洋先生先生許以可教賤貧饑驅卒：不  
能竟學今與在田聚首京師每冬官相遇輒復商  
略此事勞苦隱約思理其匣中故裝而脫落遺忘  
輒復自廢曰慨然謂在田勉之矣檜之卒章傷天



下之無霸吾鄉自哲人云亾風流漸墜詩君家事  
也力溯古學別裁偽體新古歡之堂構而續漁洋  
之辨香者將于是乎在余僕之勞薪舊業益度不  
理在田隨行水曹暇輒手一編篝燈乙夜斲之不  
少倦昔人云老不廢學者惟我與袁伯業耳余遂  
愧負斯言序在田之詩不禁俯仰而三嘆也益都  
年弟王洪謀序

乙卯夏余之京師以詩作合得交於德州小山薑  
田先生先生為司農山薑之孫而新城王司寇阮  
亭先生尊所聞以治詩者也其為詩稱指也微感  
心也茲取格也高深韻也遠挹之有神索之無迹  
得唐賢三昧風味而人世纖穠綺靡之習不存焉  
門風宗法兩有所得矣憶余年十五六時即嗜有  
韻語適山薑先生建牙開府於吳然以年齒少分  
屬卑末無因緣進見年三十餘兩致書於新城先  
生先生亦前後裁書作答方思並世而生何難走  
千五百里外侍几杖於夫子亭間以償生平之願



而先生遽成古人矣今幸得交於山薑先生之孫  
尊所聞於新城先生者挹其流風聞其緒論何啻  
親炙前賢而惜乎齒頰心短前望茫然唯讀小山  
薑詩而羨其漸涵於門風宗法者為已深也小山  
薑嘗謂余曰前三四十年無朝野內外言詩者必  
以新城德州為歸今猥薄後生置德州不議而競  
思集矢新城以快其口吻甚有著為論說以排之  
者而排之者即向日心摹手追之人是世道人心  
之憂也余曰昔孔子論樂首辨雅鄭新城之詩雅  
宗也今之排新城者句佻字豔以求工為靡曼淫

哇之辭則彼之竭心殫力以斬勝于前民者適為  
孔子所放亮已先生守而不變是先生之定力也  
於紛：者曷恠焉小山薑又曰子序我詩不必別  
有稱引唯述子曩時之嚮往與好議論者之反覆  
以及余小子之篤守門風宗法而唯恐失墜是我  
心也余曰唯：謹承命遂不溢一語序之雍正乙  
卯冬月長洲沈德潛拜題



德州田司農先生有孫能以詩世其家學者曰小山  
山疆先生所自為號也愛孫之幼而長且才  
因呼之曰小山疆嘗有詩云客來須倩小山疆扶  
我樞迎似杖長於是讀先生詩者無不知有小山  
疆小山疆之名自此始小山疆於詩無所不窺自  
家學而外獨心折於新城王漁洋先生以為有當  
於嚴儀卿以禪喻詩之旨心知而篤好之有年矣  
故其所自為詩格高而調雅神清而骨秀刊落囂  
俗獨標蘊藉而又不自以所為者之已至也方且  
斷自盛唐上及漢魏沉浸饜飫務自濯磨以蘄合



于溫厚和平之意夫學詩者始焉患無師承有師承矣而自以為能志滿氣得則終無所成今小山蘊之於詩也承家學慎師資而又不自滿假與日俱新波瀾益以濶蘊釀益以深且厚將所謂繩祖武而光先烈者於是乎在而亦信可以當小山蘊之名而不愧矣此余讀其詩所為不禁深嘉而三嘆也小山蘊嘗受業於余從伯父頤齋先生師友淵源遠有所自而與余論詩又有合者故為叙其旨趣如此至其詩之所以佳則有非余言所能盡者讀者當自得之淄川張元序

言詩者歸唐言唐者歸盛竊謂詩性情事非研揣以肖其類云爾也龍年五十分不以制舉義鳴代間好少陵詩著心解頗有所論誤然又負魯不工為詩卒無他長以鳴乃已酉秋薦出吾師德州之門就謁師白下望渴而喜狂意龍必老而師古者熟視泣下因獻所為少陵詩解謂於孤賞益酬借穀譽彌過分退而感發涕泣念吾師以文章友教為性命則平生性情可知也明年春相繼遊京師然後得受硯思集讀之硯思者吾師之祖司農公授師古硯以勗家學師取以名集寄其先祖之思



者也然則馮高弔古贈處留題皆其孝敬之思繼繩  
之思之所溢而出也吾師之性情深矣少陵每飭  
不忘君夫亦深於性情爾已吾師詩脩然塵壒之  
表在右丞襄陽間顏不少陵也然性情少陵也抑  
又聞昔人之賞硯德者曰筆動而硯靜筆銳而硯  
鈍吾師匪動且銳之思惟硯是思毋乃與今之遂  
散利嗜苟得者背馳與龍老無他長絕意先鳴師  
吾師之所為靜且鈍者以固其所存庶幾不負師  
承者與柳州云受德者不待成身而後拜賜感知  
而已德水流風古歡舊雨將溯而遊焉以陶冶其

性情或於詩有少得也門下士句吳浦起龍謹序



予自總角受書先王父即令誦唐人詩及長日  
以詩學教命題初試輒許可復以所用舊硯賜之  
嘗云斯道不易勿妄作勿輕存汲深綆短徒自詡  
詡風雅以蹈夫灾梨禍棗之習即穩順教執寧異  
木偶人之赤烏文繡乎予敬識之自學詩來幾二  
十年蟲鳴間作旋復棄去甲午後始稍存稿距  
今廿載計所得八百廿首有奇每一寓目心怦  
然始知浮響易流正聲難繼唐音三昧不在雕鏤  
湊泊間也從而汰之且至再至三今復痛自掃除  
強存少半名之曰硯思集誌家學也千里毫釐不



審何似大抵未能免俗亦阮家之犢鼻禪耳若陶  
隱居之嶺上白雲恐又非予之所敢擬矣甲辰孟  
秋西圃初學人小山疆自序

硯思集

小山疆詩選



濟南 田同之

在田



古體詩卷一

登長河高閣



高閣枕長河峻嶒出天半倒影蘸帆檣水光搖匹  
練振衣一憑凌恍如假羽翰雲樹雜蒼茫極目窮  
遠岸廣川踪跡微方山景物換大雅不可作人烟  
空歷亂

種竹

種竹南牕下今成脩竹林愛爾挺勁節耐彼霜雪



侵衆卉嘗爭榮不與同浮沉時來風雨散助我長  
短嗟蕭蕭有餘清落無知音願言耽孤賞結此  
歲寒心

清源大寧寺觀方兩江第一山三字碑歌

大寧古寺中洲前僧寮環抱鈴磬圓蒼松老槐高  
蔽日亭翠蓋搖晴烟一碑巋立佛閣下嵯峨轟  
出層雲巔第一山書三大字縱橫錯落風雷纏健  
如怒猊抉恠石矯如渴驥奔清泉強如衛霍敗遠  
敵雄如秋隼盤空天疑有神工與鬼斧不然腕底  
何騰騫上下晉唐可指數鍾王褚柳直並肩我於

結書素成癖黛螺十斛池為兮兩江妙蹟今在眼  
來禽來仲均宜捐目攝蟠螭摩挲久襍被竟欲三  
朝眠一葉相催挂帆去以指畫肚心留連

霑化沈明府仲岳寫寄蘭花一幅賦答

寒雲冷雁長河涯雙扉靜掩西風斜剝啄何事來  
空谷沈郎寫寄幽蘭花枝葉叢澌墨澹孤芳素  
影埽時艷相期相愛意何深交情一段鴛溪絹

送劉介臣全學歸里

黃梅雨候麥蜚啣劉子欲去心抑投我一詩道  
衷腸我欲留之留不得憶自輦路賦歸來與君復



聚長河厓老槐鎧火山疆屋搜竒問字相追陪方  
喜為君伍胡為懷故土古歡踪跡尚依然倏爾蕭  
條悲今雨小同自顧愧佳名駭昧那堪稱接武遺  
編日守歎望洋騰：兀：少拍張不意登教來空  
谷喜心倒極翻悲傷澆書攤飯數晨夕班馬濃熏  
屈宋摘酸齏硬餅兩無嫌我亦忘主君忘客主客  
相忘自相能無端婚嫁催行騰勝友由來不易聚  
矧於風雅恣憑凌匆：驢背斜陽逐柴門纂：棗  
花綠君歸且莫抱遐心還期共唱方山麓

試遊分題十首

經石峪

乳山忽倒垂左右夾飛瀑經石何鑿：誰為留空  
谷曳杖歷中陂苔文襲襟襖

對松山

寒松韻空山千株萬株寄對峙綠雲停搖曳蚪鱗  
墜飛泉下峰頂遙光破蒼翠

磨崖碑

磨崖刻大字封禪書開元仰視絕青真高製真難  
援雲峰插其側嵐光相吐吞

石屋



四圍峭壁空何來一石屋轉側入黃花古洞藏深  
竹巒影薄松風眉宇侵寒綠黃花洞名

雲亭

雲亭繞汶流岱陽遺名勝頡立崇兩山紆折通一  
徑塵氛杳無迹冉々長空靜

竹林寺

竹林何窈窕招提占絕境鳥鳴林壑幽泉溜雲霞  
冷雨後更奇絕半天懸寺影

無字碑

碑以無字名巍然歷今昔日月照不知風雷走不

劃徒使摩挲者疑此一片石

二丈崕

西丈如建瓶北丈如懸索冷々萬斛珠兩崕會奔  
躍仿佛雙白龍來向青谿攬

環詠亭

衆峰抱孤亭暮歷夕烟颺環詠得佳名披拂恣遊  
况清音不可作西風起樵唱

蓮花峰

磴迴茂林斷霞落寒川紅曠然出谷口望見蓮花  
峰徘徊歎窮奇無乃勞化工



二學亭聽松聲

依水結茅亭二學頗跌宕老松二十株四圍作屏  
障冷：清風起驟疑寒濤漲萬籟發靜端茲響殊  
幽曠華陽嗜此散甘作山中相我愧非知音披襟  
坐其上

吊李烈婦

邠家女潔於玉嫁得李郎家不足家不足夫樵蘇  
雞鳴而出来彼狂且狂且来室胡為者貞鸞豈效  
鴛鴦野此身不可辱性命鴻毛輕一時相激血刃  
橫寧死全我清白名清白名真榮藉 褒卹来揚

風化

籠虎行

明湖八月天氣涼荻花楓葉纏秋光夾岸紛拏鬪  
鬪集貨竒販異来他方一時喧傳看籠虎肩摩爭  
聚如堵墻巨木編橫四圍固橫李監掣垂銀鐺觀  
者遙立勞指畫市兒舞弄頻張皇嗟哉山君稱樞  
散生風剪葉凌層岡斑：爛：爪牙猛食牛伏狗  
矜威狂李耳於菟列名姓宣城人化不可當今朝  
檻禁亦何苦變體無乃傳荒唐夢幻嘗聞珍饌祭  
情騰休認蓑衣藏不獲南山舒雄嘯翻来塵市同



麝麝俛首搖尾尚求食見之反使馮婦傷人事盈  
虧譬諸此失勢無分柔與剛但是異物終難伏馴  
蓄莫謾誇良鴛一朝狎獍破壁出泥封誰佩黃神  
章我作長歌：籠虎西風滿目空徬徨

襍感三首

軋：不自禁况值秋風時秋風吹茅屋音響一何  
悲聊隱烏皮几空吟白紵辭五陵多豪貴意氣驕  
且馳紅燭照顏色華襟對酒卮出門兩相遇相遇  
不相期采：黃金花幽芳自披離  
谷風何習：陰雨何淋：抱襟者誰子棲此寂莫

濱風雅歎乖離意氣羸酸辛息交以自全終始有  
幾人千古悲耳餘即是刎頸親

險矣及劍閣振衣陟其巔危哉稱瞿唐鼓柁從其  
舷嗟彼周行側茫：成速遭封豕亦何惡脩蛇來  
無端乃知險危處不在山水間

題吳僧雲村小照

峨眉峰何礧礧上巖下巖瀑泉流連岡疊嶂萬松  
裏上人家住太湖陰今向高梁戀碧岑焦桐自理  
坐圖畫清音直與山水深

平原曉發



西風捲行橐旭光衝曉霧豆蔓殿秋蕪蒿花迷白露野甸水四圍掠空一雁渡百結轉愁腸馬首頻回顧徃復遂虛名何時欣所遇

月夜遊淨池上

明月照淨池：上淨雲樹一鏡天欲磨星光倒無數河漢澹秋空參橫浮雁渡望中烟火濕漫衍楓林路遠甌靜漣漪衆峰竹指頤簌簌夜氣清隔岼搖深趣孤影獨徘徊衣裳濯寒露

徐趣園北上過訪

巷僻寡車轍秋風靜掩門亂藤穿老屋禿樹窺短

垣狂奴瑁髯餘散髮卧竹根故人走上國過問寒雨軒投我五字詩破我三徑痕相見一相笑把臂與細論不惜功名薄惟期風雅存殷勤各欣賞茗熟香爐温

寄懷甘懷園別駕

與君相見益陔夏與君相別敦將春前後交情託五載中間光景難具陳我重君：愛我書畫相為

槩磚羸

懷園西臻絕品予酷愛之而懷園又於予書有嗜痂之癖每過從時輒解衣槩磚互相為作茶煙

詩草晦明間我固忘形君亦頗一旦君登別駕車梁園千里徒歎歎豪情勝槩君自足寒雨苦我賦



索居星再回燧再變鬻珠今日等葵莧杜門東肚  
伴蠹魚墨池橫影來秋雁秋雁寄我語珠重西南  
飛陵州景物種：非黃茆白葦時一望眼前蓮幕  
尤相違此時思君不可得狂歌自把珊瑚擊珊瑚  
碎落長河邊西風回首空悞惻美人美人兮何不  
移我而去之使我日夜長相思鎧紅酒綠知何時  
將抵繡江望城西一帶  
朝從濟上來夕入陽邱路面：翠峰迎脉：春泉  
注斜陽一派紅半是桃花樹

會仙山

東郭一極目望見會仙山仙人在何處霞外空編  
欄上有青芝圃下有白雲灣樵牧無踪跡飛鳥時  
往還

繡江河

河東亦有塘河西亦有塘竹樹襟岬側繡水流中  
央紆折十餘里水面高且長人家落鏡中山色盪  
青蒼行來圖畫裏却憶願長康

田郎行自題寒雨臨池圖

田郎田郎爾既不能騰達躍天衢又不能俯仰隨  
鄉里復不能長鎗大劍擅豪雄握手徒存毛錐子



極目多于邑回首笑磨髻滿面青黃不可識夢回  
炊熟悲途窮博浪沙中徒一擊螢光難借蒲葦叢  
我生不辰空墮地馬齒加長添憔悴薜荔蕭蕭寒  
雨中悠悠七尺還如寄翰墨虛散莫謾誇叔子自  
佳何與事慚愧我亦掃畫圖亂頭粗服狂且迂苦  
竹數叢一老硯閑堂十笏雙獠奴自哭自憐還自  
笑平頭四十真傖夫臨池終日胡為乎

種竹嘆

方山：下多蓬葆德水：畔風塵道鬱：居此亦  
何為聊將草木開懷抱草木紛紛孰可宜虛中秀

外此君好綠玉條：春風抽青鸞剡：秋月皓一  
枝兩枝何崢嶸千葉萬葉藏縱橫十載相依如勝  
友勞我澆養怡我情自怡我情復誰預無端索取  
來猗猗所欲不飽逢彼怒毀擲反復恣憑凌吁嗟  
乎種竹何如多食肉有肉無竹何妨俗食肉雖俗  
仍我肥種竹不俗由人辱

車中望西山巾帶

黃茆白葦秋風逐張華宅畔憑車轂驅鞭遙指昭  
王臺一抹寒青下獨鹿獨鹿山連翠微峰烟垂螺  
髻浮空濛濟勝無具徒西向夕陽在樹行匆：



張秋即事

張秋城邊多古木秋風淒淒散茅屋散揚款乃振  
河干一灣月照離心曲水勢潺湲夜氣涼南來山  
色遙蒼濁酒孤燈客不寐玉盤露滴凝寒霜

為壽莘谷悼亡

越中多佳士無出壽生右惜彼不世才踣躓天涯  
走下有黃口兒上有垂白母豈乏內顧憂曰賴閨  
中婦閨中婦維何丁家女如琇奉姑且教兒大苦  
兼經手日望大刀頭土銼七年守當歸又不歸寶  
簪纏塵垢道遠信音難計來日已久吾友情何堪

追維徒自咎况復歷窮途那可失良偶奉倩倍神  
傷臨風空杯酒朋好竟輓唱迫余隨其後余亦過  
來人腹痛難回首楚些一共招哀蟬鳴亂柳

贈陳門也

山陰人僑寓廬下工  
鐵筆兼擅青囊術

茫：濁世間陳生何超曠金石託姓名草木藏形  
狀清白吏子孫烟霞秉微尚來往竹皮冠搖曳蒲  
萄杖異地撫高懷殷勤決所向三十六峰頭七十  
二泉上

題黃冠秋汎圖為徐趣園

魚鳥愜幽懷輕舸自移徙名士今來住濟南千秋



影照明湖水

面目何瀟散衣冠復嶙峋不為霞外虛中子定是  
馬騰茵閣人

贈趙東籬

柴桑之菊何紛披南山遙映秋風吹一時寄傲依  
東籬東籬芳躅千古思高懷逸韻繼者誰曰寄所  
託爾其宜

題東溪觀瀑圖

高峰插天匹帛垂青瑤霏屑光纒山靈作意瀉  
懷抱清音瀕鬼知音誰東溪老子胸次迴探竒不

落翬塵影雲根石齒淨孤標千尺雪中雙目冷

東籬飲酒歌寄荅趙廣文介人

趙生籍：人爭傳欽崎歷落希前賢平生雅抱東  
籬志忽來寄我東籬篇舍宮嚼商發清徵聽者豈  
容箏笛耳翩：澹宕絕塵翬波屬雲委此其是蘭  
氣矜相挹高風不可攀竒懷千載首宿一盃尊中  
酒白籬下花寒香磨老墨傲寄冷官詩癖不自禁  
酒量十分寬紛：贈什滿千百慚予瓦礫同珠玕  
今復來將遠意殷勤致語勞賞擊蛙鳴徒爾辱流  
紉安足資君一醉適遙：不盡寄相思南亭夢繞



秋雲碧

鹿關歌

春水瀰：春風老鹿關：外多芳草一自王孫去  
不歸斜陽空逐牛羊道牛羊道芻牧稀舉頭惟見  
蒼鷹飛

隋隄

符離城外秋風起濤聲遠送汴河水河水千里達  
淮流長隄影落夕陽裏荒雞蔓草野烟微隋家帝  
子事已非金蠶飄零玉蛾盡浪花空逐楊花飛

岱山四首

行：出茅店歷彼岱山隅秋風迎馬首極目徒崎

嶇

行：入山腰徘徊浮雲端胡以稱茲役敢云行路

難

行：陟山巔俯視千章綠烟村落景微石磴盤空

曲

行：過嶺去峰迴路已迷一轂來空谷又聽斜陽

難

勞：亭行

勞：山下勞：亭楊枝柳枝青復青攀折不惜送



遠行魂銷今古離別輕匆：我將數歸程雁寒楓  
冷難再傳此後敢云功與名勞：兩見金波明新  
詩一卷紀曾經江花江鳥有餘情布帆遙挂山水  
清

三山門外留別浦二田郭春理蔡二尹諸

子

悠：秦淮水流遠三山門扁舟遙相送把袂各銷  
魂銷魂復銷魂河上傾離尊殷：勞子意草：將  
我言丈夫寶榮名志士酬國恩鴻鵠千里飛燕雀  
安足論愧我老將及潦倒依榆枌行：從此去珍

重張吾軍

登燕子磯即事

烈飈捲雨漫朝暉岷濤十尺黃雲飛楓林瑟：霜  
紅脫緯蕭隱約漁火微阻風三日不得去孤蓬聊  
繫燕子磯：形矗：森圭角千尋鐵鎖圍烏衣揀  
竒不憚臨絕頂振衣獨眺孤亭迴金碧四面簇峰  
巒破碎江光來舴艫吳楚青蒼指顧間紛：洲嶼  
餘沉溟終年坐困類醯雞對此方令雙目醒江南  
江北一望收濛：雲樹烟嵐稠翹首青冥羨鴻翼  
俯臨澎湃窺龍湫一派支分二水碧六朝影落三



山愁浴鳧飛鷺雨細：蘆汀沙渚風颭：夕照忽  
開虹霓斷遙望澄江淨如練憑闌高詠小謝詩餘  
霞散綺呈璀璨數載依：魂夢中天遣今朝追勝  
踐磯頭回首別烟雲輕帆恰趁樵風便

平山堂拜廬陵眉山漁洋三公祠：即堂

後之真賞樓也

平山：上雲氣籠招提紺宇凌虛空松筠隱：森  
房櫳一堂傑立僧寮東此堂創自歐陽公守揚名  
譽惟公雄公餘屹雅兼揚風烏絲紅袖圍堂中折  
荷分席飲碧筒高懷曠致誰與同一時勝事留江

左千秋俎豆無終窮歐蘇一泐淵源通廣陵三復  
來髯翁忽：已逾六百載漁洋文采追前蹤古今  
掉映應相從魏：鼎峙何從隆瓣香頻薦後學恭  
真賞樓上三主崇樓外蒼茫雲樹濃綠楊城郭烟  
濛：遙青來送江南峰景光映落几席重濟南小  
子愧凡庸今來瞻拜徒折衷蜀岡引領斜陽紅

射陂

瀾：古射陂蕩漾生餘態光碧印琉璃文綺如綵  
縹鷗泛菡烟青峰挹羅浮黛一望渺無涯帆在夕  
陽外



汶上縣

蘇：蜀山湖遙接中都陌月上何清冷水光復紫  
白把酒續微吟仰止東樓客

咏雞冠花

亭：表雄概翮：颺羽翰爾不鮮司晨胡為高其  
冠高冠且岌：借得庚辛力秋風立移時爭免嚴  
霜逼

九月五日許渭符司馬招飲署中論詩並

示新什賦此以贈

浙：商飈發冉：籬花黃一尊開蓮幕佳會迎重

陽溯我舊淵源示我新篇章滴：醉醍醐其味清

且芳良由舍雅故飛屑皆琳瑯斯道啓天籟百靈

趨毫鋌風雅頌相泐正變循周行穿穴分條派莠

苗襍辭場我 朝盛英華星宿羅文昌四家繼十

子索韃崇齊疆海內稱詩以漁洋先生為宗主雙峰遙對

峙一氣縈光芒眾流賴截東潮汐無披猖兩蹤已

寂莫羣狐吠道旁雕鏤誇絕調屈曲多荒唐里音

矜跳脫播弄探空囊譬彼染時疫金匱迷良方偽

體不別裁幾令風騷止輕材愧無力塞耳馮低昂

欲以返正始非君堪誰當勿矜齒牙慧好薰知見



香霜寒木葉脫石氣自青蒼眼前各振觸相期無  
相忘

哭女

襁褓嬰多疾弱歲失慈母賦質良不薄四德頗可  
取長大嫁比隣咸曰此佳婦胡為未中道遽爾拋  
良偶伊婦可再得吾女復何有

回憶嫁汝時寧僅七不堪牽犬聊爾：父女相悲  
悵父在女已止思之我心傷心傷不可說掩泪空  
旁皇

我嘗抱危疴晨昏賴汝親我復懷侘傺慰藉多殷

勤飢寒時相問歸寧不憚頻非無鄰下人汝性獨  
為真春椒不復郁秋菊不再馥痛哉烈肝腸哭女  
還自哭

送李濟洲別駕之岳州任

入官良不易况為世家子祖德渺難攀 國恩不  
勝紀稱職固所宜微瘥招衆指願君求令名僉判  
此其始

言念君與我中表為弟兄兩月聚京華相深風雨  
情去：從此別遙指岳陽城洞庭湖上月映彼君  
山明他年卜遠舉挹茲山水清



吊張烈婦婦姓荆氏新安張秀才妻結褵自

繼已見  
旌表

室同處穴同歸仗儼徒名爾所天一圮誰與隨荆  
氏良矢志剛從容死耻未亡義的：浩氣留巾幘  
褒光上谷教赫：

四月廿日偕春齋載揚霞山子年伯純仲

欽豐臺看芍藥分賦

長安四月花事殷艷友近客來紛：芍藥擔上風

光看未勻尋芳約出城南門幽燕老將我勝友春齋

三河年少兩不羣伯純仲欽吐：瑯琊復磊落載揚翩：

更羨機與雲霞山子年秃尾驢子方麴扇相將並轡成

七人水禽驚客衝衣過高低村逕畦塘分千叢萬

叢爭紅白十里五里颺清芬風：雨：化工巧花

花葉：罨畫熏四圍爛熳不暇接山光雲影相吐

吞曾聞玉堂集宴賞宮錦玉帶曉籠霞氛又聞

廣陵稱名勝三十一譜傳劉彬此地繁華亦罕觀

酒酣耳熱馥芳茵屈指豐臺非一過今朝選勝何

欣：名花名士兩相值情差愛惜真殷勤流連不

覺斜陽曛歸路餘香鬣衆妙一散鴟鳩風綰縕

題碣石觀海圖



輿地稱竒觀首曰山與海碣石古營州西決天墟  
寧城：衆峰矗洋：百川匯一望迷空青滄嶼幻  
遙彩誰為埽此圖今復見顧愷想像圖中人襟期  
自磊隗披圖盪我胸幾忘身所在刻畫無由工耳  
目徒瀕鬼

魏商山招同趙青原小飲寓齋看菊賦荅  
節華凝霜氣旅人思故鄉故鄉何時歸得無三徑  
荒孤懷抱蕭索寒影嗟摧藏忻遇信陵賢居接西  
河旁舍館有餘清四時佳興長牕前黃菊花位置  
相低昂招我來過從呼童羅酒漿兼有同門友斟

酌話衷腸茲會良不易况復在他方雅意破岑寂  
西風掠晚香晚香獲我心頓令羈愁忘不禁語狼  
籍聊以寄慨慷

雨後全霞山子年載揚訪以克明齋不遇歸寓

無聊得載揚典衣買蟹酒共醉亦客中  
一佳話也賦之

委巷秋霖苦不住離情咫尺擬雲樹新晴爭集薄  
笨車相期共訪西城路西城：邊秋水多蕪葭空  
賦伊人歌蒼：萋：復采：溯洄其如情深何情  
深原不自今夕今夕何夕更邑：思圖傾倒破鄉



愁杜甫囊空均羞澁賴有武子解青衫  
青銅錢客懷草藉以適談風說雅西窓前  
後事清且旨無腸公子肥而紫左手持螯  
右舉杯恨不與偕談藝子蘇軾科頭箕踞任旁薄  
總外名談藝軒颯：秋風起

題張母章孺人節孝傳後

吾聞節孝難：于歷摧折一死等鴻毛  
俯仰寧無缺卓哉張氏婦不徒一身節  
茹荼七十年所事均施設義已全令名  
壽復享大耋婦德兼母儀千秋仰棹楔

送別李星門上第歸里

依：陌上柳遙映春明門麴塵散廣路  
芳草藉重茵我腸愁百結遲回隨車輪  
：遲可使轉腸結何由伸情難遣此別  
况為平生親君會曲江宴我持絹繅杯  
君返方山道我留帝城隈去：六百里  
共羨錦衣回君母多忻榮我父無好懷  
豈不欲好懷無如才不才念此益神傷  
祖道空徘徊

感遇

冠裳濟：長安道逢人竟說官場好我亦備負兩



載餘惟向蠹魚乞殘飽堂前藜藿濟饕殮摘盡  
草復兩草形容面目幾不識去年憔悴今枯槁幸  
賴東柯棲一枝破牕風雨憑昏曉歸去來兮未得  
歸太息家貧親已老白髮微祿豈相宜一編聊借  
開懷抱吁嗟乎前塵何飛颺今雨何潦倒潦倒自  
守清白傳願期無負同丁卯

哭勇氏蘇采臣先生

我昔晤勇氏悠々感我思勇氏今何在我思更難  
為一身苦匏繫俯仰欲何依憶昨寄書來擬遊黃  
金臺尚期共登臨何意獨裴回裴回復裴回歷々

傷我懷我懷已寡落空復吟七哀

柳絲綠珍々河水流瀉々想像東園路不見東園  
人豈無繼者來非我舊淵源階蘭無留影齋中空  
酒痕觸目情已慘况復多猜々天乎亦太酷忍望  
西州門

即事書懷二首

汲深苦綆短地僻聊藏息百籟靜秋空羣峰排寒  
碧振觸綺館雲惟悴燕臺客

蜀道自難行虛名非可寶我固愧曉々且亦悲皦  
皦嗟哉意獨憐杜陵今已少



懷霞山子年兩昆季

憶昔共作春明客香從知見熏朝夕箇中知見本  
無多兩人便可勝千百年来獨寓東安門瀕耳入  
目徒紛：江南江北雁來去千里相思空暮雲

雨過獨酌有懷張大榆村

微雨散林霽鳥散來檐摘端居客不樂俛仰念疇  
昔：情何依：今懷復的：我有素心人其如隔

南北

南北豈無人風雅非其倫風雅亦有倫情性孰為  
真離：意中樹耿：愁外雲孤樽自斟酌鬱陶向

誰論

金繪占舍人以素冊索書感賦

我昔學書慕黃米便面屏風幾費紙年来手腕苦  
僵勁管城一別如千里况知濡染海寧法波擊無  
能合時軌時軌相循果如何上下齊平誇算子昔

評書云上下齊平狀如算子此不是書但得其點畫備胥鈔耳雲游鴻戲無復聞

揮毫輒與歐顏比幸而歐顏不復起蟬蛸且欲撼  
大樹竟隨黃鷄矜爪觜豈識斯道足通靈正變源  
流同四始八峯三昧解書難古法不作香泉死秦  
山北海遺高涼壤石小流安足齒何期尚有嗜痴



人不與時髦同愠喜珠璣在右我何堪春蚓秋蛇  
酬知己噫嘻知己難如此

襟詩

閉門理幽獨卷帙擁几席一硯自揩拄遣此朝與  
夕往來無富人何由形我貧貴者不相接我賤何  
由分所以古君子于此別籊薰蕭然以自遠紛々  
安足論

熙々事交遊習氣不能刊崛起愧無藉爭向華宗  
攀營蠅復苟狗曳裾高門端假踈以為親忍苦以  
為歡縱彼尊且榮何與卿飢寒多識况多累玉毀

向誰言幽芳自可貴不見空谷蘭

魚目何所用珎之便為珠砒砒非不賤寶之玉不  
殊非惟不相殊珠玉反遜渠遜渠豈所甘其中有  
慘舒由來物之常何事憑空書

富貴他人合貧賤親戚離昔人為是語語々非吾  
欺親戚固若此仕者更甚之親已不敵貴雲自不  
屑泥嗟彼攀援者于意將何為

江海何洋々風波有叵測溝渠自細々優游得以  
適無可為欣々安所用戚々莫求愚者羨但免智  
者惜



爵祿非苟得科目宜等倫深識皇王道悉解聖賢  
文有一難自問安可張吾軍緬彼玉溪言所見非  
無端况當 聖明世在上有大觀名位自住耳慎無  
倖相干

題沈椒園南階初卉圖小影

南階叢卉初吐葩誰為寫照東陽家裁紅暈碧別  
有託雅意豈屑矜春華翩：瘦骨松堂裏令人却  
憶虛中子霞外風流無復聞沈郎乃沈郎乃如此

硯思集

小山蘊詩選



濟南 田同之 在田

今體詩卷二

湖上有懷



行李蕭條僮僕饑濯纓湖上住多時蕪葭露冷人  
千里菡萏秋空月一池歷亂名場風味少清冷詩  
思夢魂移滿前踪跡牽懷抱水事山情好自支

歷下禱詩

水明木瑟占清華濟上秋光滿目賒遮莫遊人看  
不厭西風管領屬誰家



一峰孤立華不注三竇分流酌天泉剩水殘山復  
憑吊雁聲空下夕陽天

不平聲

惜山亭映岢山湖南北遙連總畫圖若倩營邱為  
粉本溪雲烟雨費工夫

涼露寒塘淡碧滋依：唱詠憶當時漁洋老去聲  
華寂蕉萃明湖舊柳枝

巖花漠：水冷：落日荒烟歷下亭北海風流今  
不見南山依舊向人青

雲散華泉不可招樓空白雪草蕭：祇餘一派浮  
哇響秋雨秋風黯七橋

名士伊人元祐間爭開尊酒對潺湲當時亭館渺

何處水月空傳孃子灣

名士軒伊人館相傳  
在三孃子灣左右

端禮門前古木疎白風黃葉聽啼鳥宮中莫謂繁  
華盡猶有寒泉萬斛珠

川上林亭舊雨香低回別墅說文莊而今剩有垂

楊樹得與詩人映草堂

王秋史廣文二十四泉草堂  
即殷文莊公棠川別墅也

湖山冷落亂雲浮步屨時：強出遊杖底今朝差  
不負曳來七十二泉秋

### 送王秋史入都

數載離羣喜乍逢秋裝結束又匆匆：燕雲趙樹分



言十堂  
途處錦水梁門七字中酬對尚餘寒嶂碧燈臨惟  
見夕陽紅因君回首當年事淚灑西風歎轉蓬

廬城劉明府餉墨露一尊即邀寄堂司馬

晚過張氏園小飲時將歸里賦此以別

郭外漪園好林亭晚更幽花迎半規月柳蔭一泓  
油白墮尊中酒青鐙竹裏樓依：共今夕珍重碧  
山秋

送濱州牧徐自天出塞兼謝穎墨之贈

明湖三日聚雁影又離羣行李衝沙磧山川接塞  
雲遙情黑松使別思管城君好擬歸來後重為書

練裘

中秋全張邗君顧東水集王司馬寄堂看

月得秋字

棘後今朝畢匆：復逗留故人有司馬佳序且中  
秋二妙共欣賞一尊相唱酬風流堪記取明月百  
花洲

秋霽有懷徐趣園兄弟舟行將次天津

涪園雨新霽竹影坐來清忽憶天池客相將衛水  
行西風峭帆渡古柳木門城歷：關河渺秋懷空  
復情



王寄堂過訪

風雅推同事，日勞過竹竿。  
名卷金魚君獨冷，席帽我  
仍酸。詩思留今雨，銜痕補舊歡。  
相看傾倒處，秋色一庭寒。

題指畫葡萄

綠帳高懸夕，照紅斜掌菜。  
蔓挂秋風驪，龍頷下珠  
千顆。參向毘耶一指中。

柳湖宴集分韻 九月十日

柳湖一帶颺秋光，隔岫猶餘靜。  
監香野水寒，烟西郭外殘。  
杯冷艷小重陽方，山影落平林。  
遠鹿角雲

連鬲海長勝事難，憑迨往跡風流空。  
問廣川鄉

歲暮寄懷寄堂

殘雪傳梅信，東風到濟南。  
有親凝望眼，諒汝已傳  
驂時寄堂出遊各失路負懷抱，知音無二三。  
幸餘嶠華伴春事，好幽探。

正月大雪

料峭風來畫角悲，表安高卧閉門時。  
廣庭積素真如許，畫出王維五字詩。  
右丞詩積素廣庭間

鎮日繁雲繞竹關，衣篝香冷鷓鴣斑。  
一般詩思清人骨，門對寒流只欠山。  
韋蘇州詩恠來詩思清人骨門對寒流雪滿山



滄州道中

柳黃水綠散春烟兩岸蘆汀錦纜牽得行來驢  
背穩杏花微雨過南川

專河驛

冷節關山不奈何蕭條襟被渡專河東風一樣吹  
楊柳只是行人感繫多

登南川樓

風雅今何似南川復此樓憑闌吟夕照滄水自悠  
悠

襍詩八首

接武談何易門風莫謾誇空餘一硯淚冷滴山疆  
花寒綠守三徑遺編馮五車低回愧駭昧揚扈願  
徒賒

蠻觸心情少閒居花事宜半弓營隙地一帶映踈  
籬雨恠風盲目香收氣歛時孤吟聊對此澗澹結  
幽思

綠螿非狂藥枯腸欲解旗酸辛原自有清濁總相  
宜生計輸流輩名心拂亂髭行藏馮客問一笑付

鷓足

放翁詩益州官樓酒如  
海我來解旗論觥買

極目今何似填胸礪魄生佳人誰越絕國士半齊



倚劍沒豐城暗雷驚瓦釜鳴悲歌不成調落月自  
搖情

委巷栖遲日頽然戶晝扃唯餘雙眼白獨昵一天  
青慷慨羞談劍辛勤愧說鈴勞：惜鯨力無計破  
滄溟

辛苦雙芒屨蒼茫一鷓冠不堪撩歷處但覺笑啼  
難蕉鹿名無定情騰夢已闌誰憐荆棘裏猶作樂  
園者

歲月堂：去蹉跎事已違舌存何所用翻短不堪  
飛風雨自朝暮古今誰是非一編消永日回首涕

沾衣

顧我懶於雲間堂送夕曛歲華兒女得心事馬牛  
分補屋愁粗婢耽書笑細君爐熏蕪茗椀好自寄  
殷勤

雨夜讀莊子

殘編冷硯送生涯回首西風路已差自笑癡頑仍  
不悔一燈寒雨讀南華

論書三十首

班駁三辰暈五辰屯蒙大象積清均無端元洛添  
圖畫演出流波誤後人



垂空金粟天來雨霧結寒山鬼欲愁造物幾經難  
慎處濫觴只作管城遊

倒薤烟波次第開龜魚雲鳥費剪裁別餘峭嶮神  
奇在合併江河萬古灌

古文符契多奇字點畫何妨間出奇峰萼滴瀾無  
說處三蒼結創是吾師

八體紛紜籀不同嶧山石鼓琢蒼空更看飛白非  
人力聖帚英靈獨蔡公

懸露垂針不易方描頭畫脚枉思量八分去取由  
神會喁匾何為別漢唐

楮上分行蛾出繭篇中結畫窟間琴成來珠佩看  
佳境辨得星芒是苦心

紛飛羽檄出軍前崔杜偏爭翰墨先不暇匆匆渾  
浪語攬扶摧折倩誰憐

窟天鴻海影婆娑十二書名憶擘窠茂密行間徒  
仿佛眼前只笑墨緒多

書家端委說來難品藝還從兩地看筆正果緣心  
正出佳名爭信屬曾瞞

吐：逼人王右軍天門鳳闕許游雲半生歲月堪  
徒費遮莫家雞野鷺分



大令名從小令歸壁間泥帚亦忘機鸞羣自創具  
天矩却向何人較是非

六書變幻雲蒸錦八法縱橫雨散花若道成名惟  
一體昔賢應悔不專家

芬馥邕容謝氏工清搖芳樹衛家風謾云絕擅香  
奩巧也在淵源家學中

草創鍾張有定評差池羲獻亦齊名巧來輪扁無  
能授邴見前賢勝後生

舞女低眉拂玉珂風華爭說六朝多新亭愴父真  
堪笑婢作夫人可奈何

我：棠杜欲何如橘柚林中不可居九品紛拏應  
有意曾無人問庖尚書

瀟灑端凝各有天柳家新樣苦求研魯公妙具錐  
沙體不在蠶頭燕尾邊

季海奔狻北海仙濡頭佳致溯張顛就中贏得懸  
編妙波擊馮教滙百川

烟華落紙如添毫由來欠尺馮倚刀誰能具體博  
奇逸橫牽監掣真徒勞

閒從墨浪辨淄澠張陸追撫亦著稱心畫心聲仍  
不掩書家豈屬亂真能



元都一派起光庭大抵烟霞氣味清却羨諸髡風  
韻好空門爭博玉珠名

名翻米蔡揭蘇黃分路揚鑣均墨王採取毫芒點  
瀋外羸他四面是襄陽

蘭亭臨本費精神異代風流接踵新掉映閨中更  
竒絕郝夫人後管夫人

毫鈿匠意斷輪觀三昧源流一轉丸莫恠東坡稱  
解事曉書難比結書難

輕妍那許矜娟媚重拙何嘗類真頑感物通靈瀆  
記取莫教騎棟望雲山

不衫不履出塵姿典午風流已在茲務意整齊緣  
底事倚門粉黛誤西施

拚道緣情也自師齊平方正枉披離排雲筆陣依  
然在只是荒愴不得知

韓陵片石昔曾經南董休教笑北邢偏是吳儂拾  
殘瀋剝來狐媚說華亭

謾馮閣本覓醍醐眼底香泉墨妙孤一任蚍蜉撼  
大樹何妨赤水弄元珠

醉中即事

梅正開時雪正濃蕭蕭竹響一簾風今朝茗芋無



餘事詠竹題梅風雪中

完縣道中

春風曲逆城傳說猶今昨烟水襟平蕪野花自開落

安肅縣

八度接遙關迷離四望間野花濡水岸春雨遂城灣鼓吹從中發注里人郝天鼓吹風流不可攀征途一回首殘日下龍山

保定道中

燕南三月好天氣燕子東風掠遠汀橫翠樓空春

草綠臨漪臺冷暮烟青千峰皆障迎清苑一水灣環漾白萍桃葉柳花相間發客魂銷盡短長亭白澤

完縣別友人

德水人將去堯城草正芳馮君一尊酒澆我九迴腸樹：留春色山：送夕陽明朝淇上路目斷杜鴻翔

客亭感興亭在淨池上

滿目烟霞繞淨池重來又是夕陽時客亭：畔春如許消得東風一首詩

春暮有感



眼底鶯花節序遷，閉門聊自聳吟肩。草深三徑綠  
無賴，屋老一燈青。可憐心事消磨盡，硯冷淚痕料  
理敝衣穿。年來蹤跡渾如此，睥睨東風，益恁惘然。  
秋夕雨中宋靜溪先生招飲芙蓉泉上出  
歌兒度曲

綠酒紅牙好勸酬，西風涼雨轉鶯喉。主人何事無  
騷屑，滿耳陽春不是秋。  
東山晚歸即事同公裔作  
崎嶇十里東山道，村原漠漠寒砧擣。竹輿好趁月  
明歸，一路莎雞叫秋草。

中秋讌集嵒山湖分賦得月明纔上柳梢  
頭一首

月明纔上柳梢頭，碧海青天玉宇浮。回首西風一  
惆悵，嵒山湖上又中秋。

秋意

秋意知多少，蕭蕭冷韻中。爭禁黃雀雨，無那蓼花  
風。

余青園

在女郎山西麓

園裏皆脩竹，陰森抱古亭。風迴綠雲亂，山送黛眉  
青。轆轤供流水，園中乏泉，惟以井車從事。翩翩響護鈴。偶來亭



上坐春色滿巖扃

女郎山絕句

烟浮螺髻黛眉彎  
樹杪風聲響珮環  
春光遙映處  
今來者煞女郎山

胡氏園亭四首

望裏山村畫不如  
朝烟夕翠點幽居  
陰陰流水垂楊下  
訪舊來停薄笨車

花明酒釀兩相宜  
嘉樹堂前夕照時  
徒倚東池

上望青琅玕映碧琉璃  
嘉樹堂前有池可半畝  
碧水清冷遠池皆竹

萬竹陰中架一樓  
危闌下俯繡江流  
隔江映有南

園好樓接長橋取次遊

園中突兀起荷亭  
木筆為牆竹作屏  
如鏡水光四圍處  
恰來山色送遙青

訪杜渚亭故址

蕩漾春風裏來尋杜渚亭  
水光半篙綠山色一船  
青楊柳垂殘照鷓鴣沒遠汀  
遺名空自好極目翠沉溟

景州道中

弓高烟樹接重邱  
帆影垂垂塔影浮  
一綫長河連勝地  
不知何處廣川樓



阜城

地接沙邱近漫：秋水生白風吹鷹影黃葉抱蟬  
殺柳暗符融壘沙明簡子城客途遙悵望嶺外暮  
雲橫

獻縣

雉堞蕭：蔓草荒寒雲野水下斜陽威儀漢代今  
何似剩有詩書說獻王

河間感興

中水秋風急蕭：野意涼今來溯瀛海何處問毛  
萇繫馬蒲烟碧圍垣木葉黃日華空故館猶憶霸

煤香

任邱曉發

謁城：外路曉望亦佳哉濡水星光落虞邱曙色  
開風來太蕭械客往獨徘徊懷古知何處依稀指  
廢臺樂陵臺故址  
在城北十里

趙北口

楊柳依：蕩白風漁莊蟹舍水西東長堤衝出湖  
烟裏映帶殘霞十里紅

瓦橋關

瓦橋關南秋水長瓦橋關北晚烟蒼行人遙起故



鄉思烟水迷離空斷腸

過易水

易水蕭蕭客過時寒峰萬疊柳千絲  
柔乾月冷笳聲碎碣石雲高雁影遲  
望裏烟波空茫茫聽來歌曲尚淒  
其行人莫問當年事遺恨難銷督亢陂

白溝河

斜陽衰柳障寒雲往事燕南不可聞  
河水滔滔遺鏃冷至今猶恨李將軍

新城驛和壁間新柳韻

搖曳輕烟合珊珊映玉姿橋邊魂欲黯  
笛裏韻偏

宜青眼窺人處東風掠燕時十眉新樣淺  
烏影不禁移

涿州懷古

范陽列雄鎮地古界幽州沙路千峯轉  
燕雲一望收才華思鄴賈道元浪仙氣節憶南劉審雲愁絕梁門

道年杜樹秋

樓桑村吊鄴道元

辛苦當年注水經樓桑風雨一鎗青  
而今滿目空衰草却向何人問鄴亭

琉璃橋感舊



路轉琉璃淨斜陽落遠山長橋爭轆轤一水自潺  
湲少日題詩處今來問蘚斑那堪重拂拭惆悵碧  
雲間

盧溝橋感興

秋老渾河雁陣驕漫空黃葉下蕭蕭那堪破帽青  
鞵客猶帶霜風過此橋





